

جریدہ علمیہ

مشجعت جلیلہ اسلامیانك بصیرتہ رسمیه مبدعہ

ربیع الاول سنہ ۱۳۴۰

عدد ۷۰

شمذیلک آیدہ بر نشر اولنور

یہ بھی سنہ

ادراك اولونماز، عقل آنی ادراك ائمه دن قاصر در. فقط ولی یارین کندوسی کی برانسانك یاراده جغنی کشف ایده من چونکه بونی عقل محال کوریور. بونی، سابق کی ادراك ائمه دن قاصر دکدر.

« نظرت فاذا انا » سوزی تأویل اولنمزه الله بنی خالق سموات وارض قیله جقدر دیمکدر که هرکیم بوکی محالی تصدیق ایدرسه عقلدن منحلعدر (دیوانه در)، نظرنده بیلدیکی شی بیلمدیکی شیدن تمیز ایده من، اوילה اولان برشخص ولی به « شریعت باطلدر، شریعت حق ایسه الله باطله قلب ایدر، بتون اقوال انبیای کذب قیلار » کی سوزلرک منکشف اولمسنی ده تجویز ایدر. صدق کذبه انقلابی مستحیل کورن بضاعه عقلی ایله حکم ایدر. صدق کذب انقلابی حادثک قدیمه، عبدک ربه انقلابدن دها بعد دکدر. عقلک محال کوردیکی شی ایله نائل اوله مدینی شیئی فرق ائیمان شخص قابل خطاب دکدر، برآق جهلیله قالسون.

ازمیری

اسماعیل حق

اخلاق سنیه رسالتدن برنبده

۲

مکرم اخلاق اعتباریله نبی بشرک اک مکملی اولان علیه الصلوة والسلام افندمن تناسب اعضا جهتیله ده انسانلرک اک کوزلی ایدی اعضای مبارکه لرینک هربری کندیسنه خاص، کندیسکی ایچون ممکن اولان کوزلرکک منتهاسنه واصل اولدینی کی، حسنک جهت وحدتی تمثیل ایدن وجود اقدس نبوینک هیئت مجموعه سی ده کورنلری جدآحیره دوچارایده جک برمرتبه علیای ملاحظه ارتقا ایله مش ایدی. بنابرین مقدور بشر اولان جمال صوری وکمال معنویینک برانمودج تامی آرانه جق اولسه بونک جمال وکمال محمدیدن باشقه برشی اوله میه جغنی اهل ایمان وایقان ایچون محل اشتباه دکدر. بومبشده روایت ایدیلان اقوالدن بعضیلرینی ذکر ایدم. رسول اکرمی توصیف ایدن کیمسه: بن ذات رسالتدن اول یاخود صوکر کوردیکم انسانلرک ایچنده نبی محترمک برمثانی دها کورمدم دیر.

حضرت علی . ر .

رسول اکرم وجهاً و اخلاقاً انسانلرک ال کوزلی ایدی .

حضرت براء . ر .

بن رسول اکرمدن داها کوزل برکیمسه کورمدم ؛ صانکه مبارک یوزندن کونشک نوری آقاردی .

حضرت ابوهریره . ر .

رسول اکرم کولدیکی ائنده مبارک یوزینک نوری دیوارلره عکس ایدر ایدی .
کذا

نبی محترمک ال چوق کولمهی تبسم درجه سنی کچمز ایدی تبسم ائناسنده مبارک دیشلری شبنم دانلری کبی پارلاردی .

کذا

حضرت پیغمبرک وجه کریمی آیک اون دزدی کبی نور افشان اولوردی .

ابن ابی هاله . ر .

شمائل شریفه دن باحث مطولات بوخصوص حقنده معلومات کافیه یی حاویدر .

صاحب سعادت افندمزک ال بسیط ، ال طبیعی کبی کورینن افعال سنیهلرینی امعان وانصاف ایله تأمل ایدنلرک کوزلری اوکنده اويله برلوحه مهابت وعلویت تجلی ایلرکه ذوق صحیحدن بهره سی اولان قلوب ایچون اومهابت وعلویته قارشى والهانه برحس تعظیم وتکریم ایله متحسس اولماق غیر قابلدر . مثلاً نبی اکرم افندمز بریره کیدرکن اطرافه اماله نظر بویورمقسزین کمال وقار وسکینتله یوللرینه دوام ایدرلر ایدی . اثنای مشیده کی سرعت معتاده لری اصلاً وقار وسکینتلرینی اخلال ایلز ایدی . برشیته باقه جق اولهلر (سائر کیمسه لر کبی) یالکیز مبارک باشلرینی چویرمکله اکتفا ایتیموب وجود سعادتلرینک هیئت مجموعه سیله توجه ایلرلر ایدی . بویوک ، کوچک کیمه تصادف ایتسه لر بشوش برچهره ایله التفات سنیهلرینه مظهر بویورلر ایدی . حضور رسالتپناهیلرینه کیرمک شرفه نائل اولانلردن بری سوزی نه قدر اوزاتسه اصلاملال وقور آثاری کوسترمکسزین نهایتنه دکین دیکله مک لطفنده بولونورلر ایدی . ذات والای نبویلریله مصافحه ایدن برکیمسنه کندی آرزوسیه الینی چکمدکجه ید سعادتلرینی اوکیمسه نک الندن آیرمازلر ایدی . مصاحب سنیهلری ائناسنده کیمسه نک یوزینه دیک دیک باقیوب غایت طاتلی ،

غایت جاذب نظر لر یله قلوبی تأئیس و تسخیر ایدر لر ایدی بونلره بکزر دها نیجه نیجه افعال پیغمبری واردر که هپسینک تحریرینه بو حقیقه لر متحمل دکلدر .

هر بری بره لیکه فاضله محمولی اولان بو حالات سنیه نک علی العاده برانساندن امکان ظهوری براز دکل ، کرکی کبی محتاج تأملدر . نبی ذیشان افندمزک اوزر لر نده فرد آفریده نک حق تعلیم و تربیه سی اولم دیقندن بوفیضک منشائی باشقه بریده آرامق لازم کلیر . فی الحقیقه علیه الصلاة والسلام افندمزک بوقدر کمالاتی ذات هایونلر نده جمع بویورملری تأیید خاص الهییه مظهریتلرینک الک قطعی ، اک بارز بر دلیلی ایکن قلوب متردده اصحابنک حالا سرسم سرسم تحیر و ادیلر نده دولاشمه لری جداً اچینه جق بر علامت خسراندر . ذاتاً « ادبی ربی فاحسن تأدیبی » حدیثی بوفیضک منشائی تعین ایدیور .

برمکتبه اولدی کیم مداوم

الله ایدی ذاته معام

بیئتک قائلی ده مضمونی بو حدیث شریفدن اقتباس ایتمش و کوزل سویله مش .

منقبه

۱

خذله مشرکینک صاحب سعادت افندمزه قارشق قولاً و فعلاً ارتکاب ایتدکلری فضاحتی قالدی . رسول اکرمه تسکرارندن استحقایا دیله جک برچوق نقایص اسناد ایتک ایسته ین بواراذل حضرت پیغمبری کذب ایله ده اتهامه قالدیشوب حاشا : محمد یالانچیدر ؛ یالاندن دعوائ نبوت ایدیور ؛ قرآنی کندی اویدوریور . دیدیلر .

حق برآراق نزد سامی رسالته کلهرک : اگر مرادک بر موقع صاحبی اولمق ایسه سی کندی مزه رئیس یاهلم ؛ تک سن بوسودادن ، بودعوان واز کچ ؛ اگر خسته لک تیجه سی اوله رق کوزیکه بعض شیلر کورینیور ایسه برطیبیه مراجعت ایدوب اونک ده دفعی چاره سنه باقدیره لم . کبی بی سروب برچوق یاهوله جرأت ایتدیلر . رسول اکرم افندمز بوظنلرک بری دوغرو اولم دیقنی ، کندی سنک امر الهیله خلق طریق توحیده دعوتدن باشقه بر مقصده خادم بولونم دیقنی سویله دی .

اونلر برطرفدن رسول اکرمی کذب ایله اتهامه یلنیرکن دیگر طرفدن کوزلری اوکنده بروقه جریان ایدیور که اگر (کوزلری واردر کورمز لر ، قولقلری واردر

ایشیتمز لر، قلبلری واردر ادرک ایتمز لر) مآئده اولان ایت کریمه نك ماصدق تامی، اولسه لر بو حادته اوزرینه حضرت پیغمبرك نبی بالحق اولدیغی در حال تصدیق ایدر لر، باشقه دلیل تحریرینه لزوم کورمز لر ایدی.

شویله که علیه الصلاة والسلام افندمزك مدینه منوره ده برنجل مکرملری دنیا به کلش ایدی. حضرت پیغمبر مولود مسعودی ابراهیم اسمیله تسمیه بویوردیلر. نجل نبوی مدینه منوره جوارنده بر مرضه نك ید امانته تسلیم ایدلدی. صاحب سعادت افندمز معتاد عالی رسالتناهی لری وجهله مخدوم عالی لری کورمك اوزره بر کون عبدالرحمن بن عوف ایله برلکده اورانی تشریف بویوردیلر. مکر اوکون حضرت ابراهیم حالت احتضارده ایمش. فخر عالم افندمز بو حال کورونجه پك متأثر اولدیلر؛ نجل مکرملری آغوش شفقتلرینه آلوب آقترده برکل غنجه سی کی رنگنی غائب ایتمك اوزره بولنان یاناکلری مبارک کوزلرندن دامالایان تأثر شینملریله ایصلا تیدیلر. بو ائنده شوسوزلری ده سویله دیلر: ای ابراهیم بز سنك شو حالکدن دولای محزون؟ کوزیمز آغلار، قلبمز محزون اولور، فقط بزدنینه رب تعالی و تقدسك رضاسنه مخالف برسوز صادر اولماز.

رسول اکرمك اغلا دیغی کورن ابن عوف؛ یارسول الله سنده می آغلا یورسك؟ دیدی که. بوسوزدن مقصدی نه اولدیغی محتاج بیان دکلد.

رسول اکرم افندمز ده: آغلادیغمرحمتمندر. بویوردیلر.

ایشته شفقتك، تأثرک، قضای الهی به رضانک بوندن وجیز، بوندن علوی برشکلی دها تصور ایدیله مز. بو او یله عالی، او یله ذی سکون برلوحه تأثر در که بویله بر حادته ظهورنده قبه سمایی چاتلادان فریاد وفغانلر بوسکون علوینک یاننده ولوله بی معنی کی قالیر. قضای ربانی یرینی بولدیغی کون اثر تصادف اوله رق کونش ده طوتولش ایدی. خلق بو حادته سماویه نك وقوعی مخدوم عالی پیغمبرینک هائله وفاتنه عطف ایتدیلر.

نبی اکرم افندمز حاصل اولان بو یاکلش فکری ازاله ایچون: کونشله آی حق تعالی نك ایکی آی (یعنی دلیل عظمت و قدرتی) در. اونلر کیمسه نك موتی ایچون طوتولمازلر. بویوردیلر که رسول دیشانک شوقول عالی لری خلقك تحیل ایتدیکی کسوف حادته سندن دها مهمدر. اگر رسول اکرم افندمز نبی بالحق اولوب ده خذله قریشك هذیانلری وجهله حاشام حاشا اصلسز بر دعوایه قیام ایتمش اولایدیلر، عجبا شوطن کاذبی تصحیح می، یوقسه خلقك

بادهوا توجهندن استفاده يه می شتاب ایدرلردی ! هیچ شبهه یوق که شق ثانی بی اختیار
ایده رک : اوت کوریبورسکیزیا؟ او غلامک وفاتندن دولای کونش بینه طوتولدی ، اللهک
عندنه کی قدریمی اکلایک ده اوندن صوکرانی تکذیب ایدک ! دیرلرایدی .

ارباب عقل وانصاف نظرند بووقعه نک ده امثال عیدیه سی کی صدق احمدی بی مؤید
معجزات اخلاقیه جمله سندن اولدیغنده ذره قدر شبهه یوقدر .

دارالحکمة الاسلامیه اعضاسندیقه

فرید

